



GEREJA ST. ANTHONY

St. Anthony's Church

Jln Sultan Iskandar, P. O. Box 12,
97007 Bintulu, Sarawak, Malaysia.
Tel: 086-312184, 332141 Fax: 086-311259

民都魯聖安東尼聖堂

信箱：12號, 97007 民都魯, 砂羅越.

電話：086-312184, 332141

傳真：086-311259

Tabi menyadi dalam Kristus,

Aku pechaya mayuh bala kita nemu sapa Sakius (Luke 19:1-10). Sakius tu orang pengumpul chukai lalu iya keras amat ati deka betemu enggau Jesus ke maya nya mansa nengeri ti endur iya diau. Tang laban orang kelalu mayuh lalu laban iya baruh, Sakius enda ulih meda Jesus. Nya alai iya lalu belanda dulu ari bala mayuh lalu niki sepun kayu sikemut ngambika iya ulih meda Jesus ke deka mansa. Lebuh Jesus datai ba endur nya, Iya engkadah lalu bejaku, "Sakius, nurun jampat, laban aku enda tau enda diau ba rumah nuan sehari tu." Nya alai Sakius lalu beguai-guai nurun, lalu gaga ati ngelaluka Jesus. Betapi enggau mayuh penanggung enggau nempuh bemacham penusah, Sakius tetemuka chara ngambi ulih betemu enggau Jesus sehari nya lalu udah nya Jesus bejaku ngagai iya, "Sehari tu pengelepas udah datai ba rumah tu."

Sehari tu, ketegal pandemik, kitai dituntung mayuh penanggung enggau nempuh bemacham penusah deka betemu enggau Jesus lalu mega betemu enggau diri sama diri. Kitai agi enda ulih begulai ngerami misa ba dalam gerija. Kitai agi enda ulih ngatur Sunday school, RCIA, baptisa, pengentap tauka kursus kawin. Semua aktiviti gerija ditangguh sampai ka Bintulu udah betukar ngagai Zon Kuning tauka Zon Gadung.

Nya alai, enggau tu, gerija udah ngaga penetap deka ngudal akaun 'Zoom meeting' awakka bisi dikena gerempung gerija tauka mayuh bengkah ministri dalam gerija ke deka baum nengah 'online' ke aktiviti gerija baka bebagika jaku Tuhan tauka cell group, rosary, divine mercy, kelas 'online' (Baptisa, Pengentap, Kumuni Kudus Keterubah tauka Kursus Kawin), enggau baum (meetings). Enti deka nemu penerang ke lebih silik, tau ngenataika diri ngagai opis gerija lalu ngambu maya (ngaga booking) enti deka ngatur aum ngena Zoom. Awakka kitai terus besampi lalu sama besukung enggau pangan diri maya ka nempuh penanggung baka ke diatu. Allah Taala merekat sereta nyaga diri.

Fr. Andy Lee

Gerija St. Anthony, Bintulu
25hb. Februari 2021